

Giovanni Azael Figueroa Mejia

Jajch'emtael ta Tuxpan Nayarit, lajem snopjun yu'un Derecho le'ta snail nopjun, Universidad Autonoma ta Nayarit (1996_2001), ay yan skajal nopjun lajem yu'un te ja' sbiil Estudios Superiores de Derecho Constitucional (2003-2004), janix jich, lajem yu'un te smuk'ul skajal nopjun te ja' sbiil Doctorado ta derecho Constitucional ta banti snail nopjun Universidad Complutense ta Madrid (2005-2009). Te banti lek lok' yajtalul sbijil sok lek sk'oplal ay yu'un te bit'il la spas te yat'ele.

Bayal st'uno at'eliletik ta banti yantik snail nopjun te ayik ta yantik lumetik, jich bit'il slumal Italia, Bolibiana, sok ta banti Sapienza ta Roma, jichnix bit'il ta snail nopjun Universidad Francesa Sciences Po Paris.

Ayix jun winik ja'wil te bit'il yak ta p'ijteswaneje, ay ts'ibuyo oxpajk' junetik, ay lajuneb yoxwinik k'op ayejetik te ya xcholbe sk'oplal ta banti junetik spaso, sok ay k'op ayejetik yak'tilanoj na'el stojol, ay swentaino lajcheb komon a'teliletik, te ya'tele ay ak'bil ilel ta banti slumal México, Argentina, Colombia, España sok ta Italia, te at'eliletike ja' ya yak' nael stojol te yajejibal mantaliletik yu'un te bit'il ya jpastik te ka'teltike, te bit'il ay sk'oplal te chukele, sok te bit'il ay sk'oplal te Suprema Corte de Justicia de la Nación, ich'el ta muk' stojol me'el mamaletik, yajejibal stojel muliletik, sk'oplal sk'asesel k'op, bit'il ya slamanik k'op te Tribunales sok te bit'il ya yich' tael ilel te mantalil te k'alal ya yich' pajel sok te smaltal te yantik lumetike.

K'alalto ta ja'wil yu'un 2011 ay ya'tel ochemaa ta banti Sistema Nacional de Investigadores, ta jawil yu'un 2020 la yich' toyel te ya'tel ta xcha kajal a'telil.

Ja' nojpteswanej yu'un nopjunetik ta Doctorado, Maestria especialidad, sok licenciatura ta yanyantik snail nopjunetik te banti tojbilik mok ma tojbilik, jich bit'il ta jlumaltik Mexico mok ta yantik lumetik. Ta ja'wil yu'un 2016 ja ya'telino te nojpteswanej ta banti snail nopjun Universidad Iberoamericana ta banti slumalil México, te banti ja' la swentain te Maestria yu'un te bit'il ya yich' kanantayel stalel xkuxlejal te me'el mamaletike (ta Enero ta ja'wil yu'un 2016 ja'to ta yuilal julio ta ja'wil yu'un 2022) sok te doctorado Interinstitucional yu'un te mantalil ta stojol te me'el mamaletik (ta yuilal yu'un noviembre ta ja'awil yu'un 2023, ja' to ta yuilal yu'un agosto ta ja'wil yu'un 2025)

Ay jilem a'tel patan tuunel yu'un Secretario De Acuerdos ta banti snail Tribunal superior Justicia te slumal Nayarit, (2002), ay ochem ta wolwanej ta banti snail nopjun yu'un te Poder Judicial ta banti slumal Nayarit (2011-2013), ay ochem ta wolwanej yu'un yilel skanantayel stalel kuxlejalil ta Banti Consejo judicatura Federal (2013), sok stojteswanej k'op ta banti Sala Superior del Tribunal Electoral yu'un te Poder Judicial sok Federación (2014-2015).

La me stojtes k'opetik te bit'il la yich' ts'ibuyel te smantalul Organica yu'un te Sala Constitucional ta banti poder judicial le' ta slumalil México, te la yich' ak'el na'el stojol ta junetik ta sk'aalel chaneb k'aal yu'un mayo ta ja'wil yu'un 2018, te xjajch'ibal k'op ayej yu'un te Reforma constitucional te la yich' ak'el ta Poder Judicial ta sk'aalel jo'eb k'aal yu'un febrero ta ja'wil yu'un 2024, la me yich' ak'el sk'op yu'un te bit'il la yalbey sk'oplal te constitucionalidad yu'un te mantalil te banti criterio jurisprudencial te jich sbiil ta kaxlan k'op, (p. 34, nota 44) janix jich, te snopjibal yu'un yak me yich'el tuuntesel te bit'il ya yich' ilel mulil ta banti Suprema Corte Mexicana ta banti snail chajbanwanejetik te banti latinoamerica te banti órganos jurisdiccionales le' ta Poder Judicial yu'un te federación sok te Poderes judiciales te banti slumalil México.

Te bit'il beenemtal sok te sp'ijil sjole sok te bit'il ya ya'ay te p'ijteswaneje, yak'obeyme yipal te ayuk ich'el ta muk' te stalel te yajwalel lum k'inaletike, sok mayuk me ya stoysba, janixme jich ay sk'uxul yo'tan ta yilel te k'opetike, jich bit'il te ya smulan ya'an te k'op a'yejetik ta sbeelal sok te Poder ejecutivo, legislativo y judicial, ja' me ya yabey stulanil te k'alal te Suprema Corte ya skuy ta yu'un te mantaliletik sok ch'unjibal k'opetik.